

北京圖書館
編

北京圖書館藏家譜叢刊
閩粵
(僑鄉) 卷


北京圖書館出版社

節堂祖世德堂祠址圖

吳堯階繪

承接以上第 十三頁 慧聰 公派圖

責任編輯 四十
封面設計 基
七世 四十



節堂祖世德堂祠址圖

北京圖書館藏家譜叢刊
閩粵
(僑鄉)卷

北京圖書館
編



第 17 冊

北京圖書館出版社

節堂陳公祠

吳亮階繪

續脩族譜序

天下之事感人以言者恒不若
動人以機非言之不善也機動
則無俟于言矣族之有譜軌族
之大機也人即至愚其於父子
兄弟固不待教而知其為親者
也彼特隘而不知推斯親盡而

秦越耳吾試譜其父焉譜其祖
焉遞溯而至子支祖元祖焉是
皆一氣也則為之次其世然祖
父不僅傳必有所謂伯叔兄弟
也子必有孫又有子若孫之兄
弟也則普而班其倫焉世以經
之倫以緯之彼將稽其父子兄

弟乎必且連類而熟觀夫乃恍然悟曰向之所謂某祖者是即某祖之自出而某祖之父也向之所謂某派者是即某祖之同胞而同為某祖之子孫也昔之視今猶今之視後耳奈何吾愛父子兄弟而不知推祖父之愛

將母愬置同祖之子孫亦能忘
情于子孫也耶此其觸目興思
親盡情聯雍睦之道勃然而生
矣詎非軌族之明驗也哉鳳宗
世重譜牒故自五世東昇公創
始以來雪峰公嗣之國純公又
嗣之迨都諫左相二公集成衆

纂而文獻大備矣二公而後乃
闕焉無聞亦緣左相公以九世
尊行齒少壽高當日之重修已
綜十一世而畢錄前此尚可
待也鳳之後公五傳矣譜之未
脩者上三世而下又遞三葉矣
計百餘年滄桑變故僑籍生聚

不再續輯將泮渙莫稽人心目
離惜伯兄有志而年不永鳳也
一行作吏

王事驅馳抱疾

予假又囊橐蕭然匪惟無頃刻之
暇且乏剗剗之資歸途經粵偶
與淇瞻弟言之淇瞻色動曰此

盛舉也弟當勉勦梨棗余為喜
起抵家病間爰遴族子弟分任
查錄脩纂輯其先世之芳規碩
德則討論而傳贊之非輿評不
錄惧濫也至若議祀議法徵別
教誡都諫左相脩之矣讀者取
而尋繹焉則二公尊祖收族之

心與我後人東戒親睦之念胥
得之矣余又何贅肯
乾隆己未秋九月既望

賜進士出身

誥授奉直大夫貴州正安牧總理
征夷五省軍糈事

予假歸籍前安順府安平縣知縣

歷署普安平遠二州兼攝普定
 縣事充丙午科鄉闈同考官加
 二級紀錄五次又軍功加一級
 東長房北鎮十四世孫儀鳳謹
 序



續脩族譜序

先大夫肩修族牒未竟而逝越五年癸亥淇瞻叔捐金二百為衆倡趣續成宗人不察固陋輒命與事檢遺編而泫然念先志何由了爰與諸叔昆分房纂輯冀衆力易成也然亦再歷寒暑而全譜乃竣先大夫有言吾家前此仕宦階惟奉政然不通籍妄援斯譜之所以最正也當東昇公之時去古未遠其於張氏之先所謂叅判運使以及叅知政事御墓墳塋宜若可考公且概置不錄直正始于均安公焉此不惟於禮得別子為祖之義亦免夫遙々華胄之譏矣豐功卓識千古獨絕至鴻磐公以不願通籍拂張相之意疎外不願此其氣節為何如哉我後人續譜惟

當寔錄毋誇誕貽前羞又議東昇公正始創牒鴻磐植庭
二公集成議祀功胥偉哉今鴻磐公既以光宗儀國配享
祖廟植庭公亦以勲德入祠而獨於東昇公闕焉雖後公
續修尚有其人然倡首之功何可例也倬識之不敢忘故
於北鎮之譜惟兢先訓上沿祖例間或斟酌增補雖荒
謬之誚莫辭而公慎之心可剖也至東昇公配享一議尚
未舉行因記序末以俟公論

男倬敬識

續修族譜序

續脩族譜目錄

卷之一

重脩族譜引

續脩族譜序

蒸嘗跋

讀族譜書後

尊祖祠

祖祠營建記

大宗圖

神位次

魁槐

儀鳳附男傳記

魁登

建勳

魁槐

伯仁
光錫

魁槐

族譜序

讀族譜小引

譜紀

續脩族譜

肇煙堂記

大宗圖記

祭儀

神位辨

容舒

養氣

鳳姿

光錫

曾初

魁槐

傳

傳

告成祝文	續脩凡例	紀伍籍	賓鴻公墓圖	靜崖公墓圖	北泉公墓圖	西世祖墓圖	始祖墓圖	石佛疏	祝文
------	------	-----	-------	-------	-------	-------	------	-----	----

景鴻文	時珍	公訂	魁槐	賓鴻公墓記	植庭公墓圖	北泉公墓記	淳勉公墓圖	東世祖墓圖	陽紫山紀事	儀鳳 伯仁附跋	魁槐 舊式加訂
倬	倬	倬	倬	倬	倬	倬	倬	倬	倬	伯仁	魁槐